



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriae, 1669

V. Compendium indulgentiarum à Paulo V. per superiores Bullas
Confraternitati Mariani Scapularis concessarum.

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

cessimus. Volumus tamen, quod si aliàs dictis Confratribus & Consoresibus dicta processioni interessentibus aliquas alias indulgentias perpetuò vel ad tempus nondum elapsum duraturas concessissemus, illæ nullæ essent, & aliàs prout in nobis in simili forma Brevis sub die 3. Augusti 1609. desuper expeditis literis, quatenus tenores presentibus pro expressis haberi volumus, plenius continetur. Nunc autem Confraternitates sub invocatione ejusdem B. MARIÆ Virginis de monte CARMELO, in quacunq; mundi parte, de cætero canonicè, ut præfertur, extendas, spiritualium similiter gratiarum muneribus insignire volentes, quo exornati Christi Fideles indies magis ad ejusdem sanctiss. Virginis cultum & venerationem per amplius invitentur, supplicationibus etiam dilecti Filij Theodori Sanctij Fratrum Ordinis Carmelitarum Procuratoris Generalis, nobis humiliter presentibus, inclinati, indulgentiæ concessionem, & literas prædictas ad Confraternitates hujusmodi in posterum perpetuis futuris temporibus (ut præfertur) extendas autoritate prædicta extendimus, non obstante Regula nostra de concessione indulgentiæ ad instar, ceterisq; contrarijs quibuscunq;. Volumus autem, quatenus eorundem presentium Transumptis, etiam impressis, manu Notarij publici, Secretarij Ordinis Carmelitarum hujusmodi subscriptis, & sigillo ejusdem Ordinis, seu alicujus persone in dignitate Ecclesiastica constitutæ munitis, eadem presentibus fides ubiq; gentium adhibeatur, quæ presentibus adhiberetur, si forent exhibita, vel ostensa. Datum Romæ apud S. MARIAM Majorem sub anno presentium, die 19. Julij 1614. Pontificatus nostri anno decimo, &c. Scipio Cobellutius.

CAPUT V.

Compendium Indulgentiarum à PAVLO V. per superiores Bullas Confraternitati Marianæ Scapularis concessarum.

241.

I.



ANCTITAS sua concessit omnibus utriusque sexus Christi Fidelibus, qui Confraternitatem sacri SCAPULARIS ubivis locorum, tam hætenus canonice institutam, quàm deinceps instituendam de extra ingrediuntur, & habitum acceperint, die primo eorum ingressus, verè pœnitentes & confessi, sanctiss. Eucharistiæ Sacramentum sumserint indulgentiam plenariam.

2. Descriptio

2. Descriptis, & describendis in dicta Confraternitate verè pœnitentibus & confessis, qui in festo principali Commemorationis ejusdem B. Virginis **MARIÆ** die 16. mensis Julij, aut, juxta ritum nonnullorum locorum, die Dominica immediatè sequenti celebrari solito, sanctiss. Eucharistiæ Sacramentum sumpserint, ac pro Christianorum Principum concordia, hæresum extirpatione, ac S. Matris Ecclesiæ exaltatione pias ad **DEUM** preces effuderint, plenariam.
3. Qui in articulo mortis pœnitentes & confessi, ac sanctiss. Communione refecti nomen **JESU** ore, si potuerint, sin autem, corde devotè invocaverint, plenariam.
4. Qui pœnitentes & confessi, ac sacra Communione refecti processioni, in una Dominica cujuslibet mensis, per dictam Confraternitatem de Ordinarij loci licentia faciendæ, devotè interfuerint, & ibi, ut præfertur, oraverint, plenariam.
5. Qui ab esu carniùm ijs diebus, quibus Confratres dictæ Confraternitatis ex illius instituto vesci non solent, abstinebunt, tercentum dies.
6. Qui qualibet die septies orationem Dominicam, & toties Salutationem Angelicam, ad honorem septem gaudiorum ejusdem Virginis **MARIÆ** recitaverint, quadraginta dies.
7. Qui cum habitu ejusdem Confraternitatis pœnitentes & confessi semel in mense sanctissimum Eucharistiæ Sacramentum sumpserint, & (ut præfertur) oraverint, quinque annos, & totidem quadragenas.
8. Qui pœnitentes & confessi in qualibet ex Festivitatibus ejusdem B. **MARIÆ** Virginis sanctissimum Eucharistiæ Sacramentum in Ecclesia vel Capella dictæ Confraternitatis devotè sumpserint, & ut supradictum est, oraverint, tres annos & totidem quadragenas.
9. Qui cum lumine sanctissimum Eucharistiæ Sacramentum, quando ad infirmos defertur, comitati fuerint, & pro iisdem infirmis pias ad **DEUM** preces effuderint, quinque annos & totidem quadragenas.
10. Qui corpora defunctorum quorumcunque ad sepulturam associaverint, & pro eorum animabus ad **DEUM** oraverint centum dies.
11. Qui Officium B. **MARIÆ** Virginis devotè recitaverint centum dies.
12. Qui

12. Qui missis & alijs divinis officijs in Ecclesia vel Capella aut Oratorio Confraternitatis pro tempore celebrandis & recitandis, sive Congregationibus publicis, vel privatis ejusdem Confraternitatis, ubi vis faciendis interfuerint, aut pauperes hospicio receperint, aut eis in eorum necessitatibus, vel in periculo peccatorum existentibus auxiliati fuerint: aut eleemosynas temporales vel spirituales eis dederint, vel pacem cum inimicis proprijs vel alienis composuerint, seu componi fecerint, aut devium aliquem ad viam salutis reduxerint, & ignorantes DEI præcepta, & ea quæ ad salutem sunt, docuerint, aut quodcunque aliud pietatis vel charitatis operum exercuerint, toties pro quolibet prædictorum piorum operum eorum dies de injunctis, seu alias quomodolibet debitis pœnitentiæ forma Ecclesiæ consueta, concessit & relaxavit.

C A P U T V I.

Declarantur præfatæ Indulgentiæ.

242.

PRO pleniori intelligentia indulgentiarum, quas præfatis Capite retulimus, observandum est PRIMO, quod nonnullæ ex eis, scilicet prima, secunda, tertia, quarta, quinta, sexta, septima & octava, concessæ fuerint cum hac clausula, *penitentibus & confessis*; multorum est Theologorum & Canonistarum sententia, quod vi hujus clausulæ non sit semper pro consecutione indulgentiæ præmittenda actualis confessio, sed solum quando pœnitentia interior ita est imperfecta, ut non attingat perfectionem contritionis, nec ad obtinendam justificationem sufficiat. Si autem sit perfecta contritio ad justificationem disponens, volunt isti sacrosancti pœnitens habeat confessionem in voto. Et fundamentum eorum est, quia per dictam clausulam non injungitur actualis confessio, sed quam speciale opus pium, sicut jejunium, eleemosyna, oratio &c. necessarium ad consequendam indulgentiam, sed solum, ut pœnitens justificetur, capaxque reddatur indulgentiæ; cum igitur per perfectam contritionem cum confessione in voto pœnitens justificetur, capaxque reddatur indulgentiæ, non erit secundum istos necessaria actualis confessio. Quare ista verba *penitentibus & confessis* accipiuntur

Utrum ad consequendas præfatas indulgentias necessaria sit actualis confessio, vel sufficiat sola contritio?